

# ادبیات عمومی و کجیرمشی

هفته لقی سیاسی ، ادبی و علمی غزته در .

جلد : ۱

سنه : ۱ ۲ جمادی الاولی ۱۳۳۵ جمعه ایرتسی ۱۱ شباط ۱۳۳۲ نومرو ۱۷

[ مجموعه من ، رشاد نوری بکک بو کوزل و مکمل مقاله سنی نشر ایله ، قارئیرینه ادبیاتک اهل ایدلش بعض حقائقنی عرض ایدر . ]

## ادبیات ملیه مسئله سی

۳

الهام

اولکی مقاله لرده شکل مسئله سنی کوزدن کجیرمش ، لسان و وزنده ساده بیکه دوغری بر تمایل کورولدیکنی قید ایتشدک . بو تمایلی تفسیر ایتک لازم کلیرسه ظن ایدرم اک عقله یاقین فرضیه شو اولور : شکل غایه موقعندن واسطه موقعنه ایدور . تحسس و تحیل ذوقی لسان واسلوب معمارینسک تأمین ایتدیکی ذوقه تفوق ایدیور و بالنتیجه شکل و روح آره سنده بر یاقینلق وجوده کله که باشلا یور . بو حرکتک ایکسینک تمامیه بر اولماسیله نتیجه لیمه سی و لسان مسئله سنک ده بو صورتله کندیلکندن حل اولماسی پک ممکندر .

بو مقاله ده روح و الهام اعتباریله ادبیاتده ملیتک نه اولدیغنی ، نظریه و قاعده ایله الهامزه بر استقامت و یرمک ممکن اولوب اولمایه جغنی تدقیقه چالیشه جغز .

\* \*

ادبی اثرلر قوای روحیه دن هانکیلرینک ، نه صورتله ایشلمه لرندن دوغار؟ مقصده وارمق ایچون اولا بو نقطه یی - ولوکه اک بسیط شکلنده - کوزدن کجیرمک ایجاب ایدر . ادبی اثر یازمق عملیه سنده نظردقته آله جق ایکی جهت واردر : اولا صنعتکارک فکرلری که یونلری مدخر بر سرمایه یه تشبیه ایده بیلیرز . ثانیاً : فکرلرینک بر برلرینی دعوت ایتسی ، بر برلرینه زنجیر لیمه سی حادثه سی که بوکاده « الهام » دییه جکز . یونلردن برنجیسی بر وارلق ، ایکنجیسی بر فعلدر .

شیمدی فکر و الهامی صیره ایله تدقیق ایدلم .

علم روحده کی « فکر » کله سنک قونوشورکن قوللاندیغمز « فکر » سوزندن دهها واسع بر معناسی واردر ، اونک ایچون بو کله اوزرنده بر آرز دورا جغز .

جواسن جسمه واسطه سیله خارجدن آلدیغمز احساساتک خاطره لرینه « خیال - image » دینیورم

## شہزادہ سلیمان پاشا

— مشوردر —

— شہزادہ عالی خصال عبدالمجید

— افندی حضرتلرینہ معروضدر —

بابام اورخان غازینک امرینہ امتثال  
ایله کیجه این « هله سپونت » ی کچمشدک .  
کون طوغارکن ، قارشى ساحلده ، خیال میال  
« کوزل شهر » [\*] ک بتون طاملرینی سچمشدک

فاتحلرک آنجق افسانہ عالمنده  
آله بیله کلری بوشهرتلی معبری  
بر صال ایچنده ، بر قاچ ترک دلاوریلہ  
عمانجفک اوغلنک اوغلی ضبط ایتشدی .

بتون قلمرو قیصری ، جبال ، تلال  
مخفی بر سه وینجہ ، ابتسام ایله بزى  
اوکمزده کی استقبال کی استقبال  
ایدرك نائل کام و صرام ایلدى .

حضورمه کلن بشرین آتی  
شرقدهده ، غربدهده ارطغرل زاده لرك  
اک هیبتلی سلطنتی ، ملتی  
تأسیس ایده جکلرینی غایتله درین

بیوک بر حس تجیله اعلام و تدبیر  
ایتدیلر . لکن بر کون عالم شکارده  
دوشهرک بر مقتضای تدبیر قدیر  
بولایرده ، بوجای لطافت مدارده

قادم . حالبوکه اخلاف جلادتکارم  
هان هرکون یکی بر موفقیتله ،  
متوالی ظفرلرله صمصام صارم  
النهی کی بلا استثنا هریرده

[\*] کلیبولینک معنای لغویسیدر .

انا فتحنا نرجیلله کامین  
اولفده ایدیله . بن غبطه شجاعت  
ایله حضور رب عوالم آفرین  
ده رفع ایادی نیازه جسارت

ایتدم . قارشیمده آلنه جق بونجه دیار  
بونجه کشورلر ، بیقیله جق اریکه لر  
وارکن کنج یاشده مرتحل دار قرار  
اولنورمی ؟ دیدم . سماوی کتیبه لر

بکا ، ناشکیب اوله ! بر کون کلیر خدا  
سنی بهمه حال کامران ایدر . بو ملت  
وهیئتک واهی جناب کبریا  
سنی قدر وشانکله مناسب ، عاقبت ،

بر بشارتله قریرالین ایده جکدر  
سن دائما بو وطنک نکهبانینسک  
حضورکله بو مکانه رصانت کلیر  
سن خاتم عثمانینک سلیمانینسک ،

بوغازلرک حافظی ، وطنک حاکمی  
سن سک دیدیلر . آرهدن آلتی یوز سنه  
کچمشدی . اورنک عثمانینک جالی  
قرهدن ، همده دکزدن بیوک عنف ایله

پک دهشتلی هجوملره معروض قالمشدی .  
بو یاریم آطه یه سوق ایتدیکی عسکره  
بردن ، کوکدن چشید چشید دشمن صالمشدی .  
لکن ارلره امدادمله ، بردن بره

او اک قوتلی دونمالر خائب اولدی .  
آلتی عصرده کام شبابی آلیرکن  
اعدانک لشکری حاسر و غائب اولدی .  
مکر بو جنکک اسکی بر غازیسی وارمش :  
بن !

شباط ۱۹۱۷

شهریم